

MERKNADSOVERSIKT
Høyringsrunde temaplan Barnehagebruksplan 2021-2030

Nr.	Journalpost	Avsendar	Tema
1	21/16205	Yvonne Duesund	Mjøsdaalen barnehage
Innspelet			Merknader frå rådmannen
Yvonne Duesund er mor i Mjøsdaalen barnehage og argumenterer for kvaliteten i den lille barnehagen og mot nedlegging. Blant anna: - Auke bemanninga til 4 årsverk, slik at ein alltid er to på vakt. Ein på vakt åleine er uansvarleg drift for å spare kostnader. - Behalde barnehagen slik den er, viktig med barnehage i bygda. - Eventuelt finne betre lokaler og byggje 2 avdelingar i Hosanger, slik ta foreldre ikkje får lang reiseveg til og frå barnehage.			Rådmannen tek ikkje innspelet til følge. Bemanninga er i tråd med lovkrav, det vil sei bemannings- og pedagognorm. Ei auke i bemanning vil gje høgare kostnader og ei forfordeling i høve til andre barnehagar. Sektoren må kutte kostnader og forslaga vil føre til auka kostnader. Det har dei siste åra vore synkende etterspurnad etter barnehageplassar i Hosanger, og det er ikkje grunnlag for drift av to avdelingar.
Nr.	Journalpost	Avsendar	Tema
2	21/16481	Christine Ludvigsen Simonsen	Valestrand barnehage
Innspelet			Merknader frå rådmannen
Opprop – Nei til nedlegging av Valestrand barnehage. 354 underskrifter. Sjå vedlegg.			Tek det til vitande.
Nr.	Journalpost	Avsendar	Tema
3	21/16594	Trygge Barnehagar AS	Ny barnehage, Rundhovde
Innspelet			Merknader frå rådmannen
Trygge barnehager argumenterer at det er ein stor fordel for kommunen om dei etablerer denne barnehagen. Blant anna: - Ein ny og moderne barnehage til det beste for barna - Bidra til å gjera Rundhovde til eit attraktivt område for barnefamiljar - Trygge barnehager tek kostanden med å byggje barnehagen og kommunen sparar sine investeringsmidlar. - Trygge barnehager driftar 180 barnehagar i Norge gjennom FUS-kjeden, som har mykje god kompetanse. - Den nye barnehagen skal vere ein FUS-barnehage. Innhald og metode i barnehagen skal tilpassast lokalt. - Barnehagen vil vere eit aksjeselskap, med opne rekneskap. Dagleg leier i barnehagen vil og vere dagleg leiar i aksjeselskapet.			Rådmannen står fast på tilråding om å ikkje etablere ny barnehage ved Rundhovde. Rådmannen vurderer at etablering av ein ny barnehage på Rundhovde truleg vil føre til overkapasitet på barnehageplassar i Valestrands-området. Det kan føre til svikt i driftsgrunnlaget i andre barnehagar utan at kommunen sjølv kan styre prosessane. Visar og til innspelet frå Reppen barnehage og merknad frå Rådmannen. Rådmannen vurderer det som lite truleg at ledig kapasitet i barnehage på Rundhovde er attraktiv for andre enn dei som bur på Valestrand, då det vert for langt å køyre. Det same ser vi i Haus-området, ledige plassar der er attraktive for dei som bur på Haus, ikkje andre. Det vil ikkje avhjelpe behovet kommunen har for å kunne tilby barnehageplass til innbyggjarar som bur andre stader enn Valestrandsfossen.

Nr.	Journalpost	Avsendar	Tema
4	21/16598	Samarbeidsutvalet i Valestrand barnehage	Valestrand barnehage
Innspel			Merknader frå rådmannen
Visar til vedlagte høyringssvar. Samarbeidsutvalet (SU) i Valestrand barnehage argumenterer for at barnehagen ikkje skal leggjast ned, men fortsetje drifta. Blant anna: Lovkrav: - SU meiner at kommunen må søkje om ny godkjenning frå Miljøretta helsevern. Omtale av midlertidig godkjenning i barnehageplanen meiner SU gjev inntrykk av at noko ved barnehagen er uhaldbart og ikkje stettar lovkrav. Økonomi: - Kommentar til investering i bygg og godkjenning frå Miljøretta helsevern: det er blant anna investert i nytt ventilasjonsanlegg, garderober og vognskur dei siste åra. Men mindre utbetringar kan ein få ny godkjenning, - Barnehagen har gode søkartal og bemanninga er optimalisert jamfør bemanningsnorm og arealkrav. Nærmiljø: - Det er behov for barnehageplassar i nærmiljøet - Barnehagen er ein nærmiljøbarnehage og føresette opplever den som ein viktig del av det å bli kjent i bygda, både for innflyttarar og for dei som er lokalkjend frå før. - Nærmiljøet, både natur og lokalmiljøet, er i aktiv bruk av barna. - Ei nedlegging vil vere ei utarming av det kommunale tilbodet og barnehagetilbodet i kommunesenteret. Barnehagebruksplanen: - S.15, føresette meiner at parkeringsforholda er greie. Stillar spørsmål om det ved utviding i Reppen kan føre til rekkefølgjekrav pga dårleg veg. Valfridom små/store barnehagar og privat/kommunal eigar - Su stillar spørsmål ved privatisering av barnehagetilbodet. Er det ei bevisst privatisering som politikarane støtter. - Su stillar spørsmål med valfridomen privat / kommunal barnehageplass i nærmiljøet, og val av små /store barnehagar Om utbygging på Hauge: Barnehageplass på Hauge er ikkje innan gangavstand, det er farleg veg og det tek 55 min å gå.			Lovkrav: Det føreligg i dag ei midlertidig godkjenning til august 2023 frå Miljøretta Helsevern. Kommunen må søkje Miljøretta helsevern om ny godkjenning om barnehagen skal drivast vidare etter august 2023. Om byggkvalitet i framtida: alle offentlege bygg skal ha universell utforming i 2025, noko som er meir utfordrande i gamle bygg. Økonomi: Rådmannen tek det til vitande. Om mindre endringar er tilstrekkeleg for å få ei ny godkjenning er ikkje klart før Miljøretta helsevern har vore på befarings og gjort si vurdering. Nærmiljø: Rådmannen tek SU si meining til vitande. Barnehagebruksplanen: Rådmannen meiner at parkeringsforholda tilsei at tryggleik for barna ikkje er god i hente-og bringesituasjonar. Det er avklara at ei eventuell utviding av Reppen barnehagen ikkje fører til rekkefølgjekrav. Valfridom små /store barnehagar og privat/kommunal eigar: Kommunen har plikt til å syte for at barn med lovleg krav på barnehageplass får eit tilbod i kommunen og det lovkravet er innfridd. Kommunen har ein historie om at det små, private aktørar som har starta barnehagar og i dag er det to av dei igjen. Kommunen har såleis barnehageplassar både i private og kommunale barnehagar. Kommunedelplanen for samfunnsutvikling sitt mål om å styrke dei lokale sentra er teke i vare, då det er barnehageplassar tilgjengeleg i området Valestrandsfossen. Om utbygging på Hauge: Rådmannen tek reisetida, behov for bil og miljøomsyn til vitande.

- Å køyre tek om lag 6 min., men krev då at familiar har to bilar, medan dei i dag har behov for ein bil. - Su visar til samfunnsdelen om unge som vender tilbake til kommunen og at ein skal trekkje med desse i samskappingsprosessar. SU visar til at foreldre er desse unge, og at det er viktig at dei vert lytta til. - Su er uforståande til å leggje ned barnehageplassar på Valestrand og etablere same tal på barnehageplassar på Hauge.			Etablering av barnehageplassar på Hauge kan nyttast av innbyggjarar frå større delar av Osterøy, medan ledig kapasitet på barnehageplassar på Valestrand ikkje er attraktive for innbyggjarar som ikkje bur eller reiser forbi. Rådmannen tilrår difor etablering av barnehageplassar der mange av innbyggjarane i Osterøy fer forbi på veg til og frå jobb og skule, noko som kan gjere Osterøy attraktiv for innbyggjarar busett i eit større geografisk område. Konklusjon: Rådmannen rår til at barnehagen vert lagt ned i juli 2023. Rådmannen har ikkje oversikt over kvar foreldre i Valestrand barnehage ønskjer barnehageplass om barnehagen vert lagt ned. Rådmannen legg til grunn at foreldre vel sjølv ut frå sine prioriteringar kva barnehage dei vil søke og at desse foreldra vil få prioritet ved opptak.
Nr.	Journalpost	Avsendar	Tema
5	21/16604	Reppen barnehage AS , ved eigar Malilka Håland og styrar Sylvelin Bernes.	Barnehageplassar på Valestrandsfossen
Innspel			Merknader frå rådmannen
Reppen barnehage håpar at barnehagedrifta på Valestrand fortset som i dag, og om det skulle bli endringar vil dei gå i dialog med kommunen om kva som må til for å dekke barnehagebehovet på Valestrand i framtida. - Barnehagen opna i 2008, og det har vore behov og rom for begge barnehagane. Reppen barnehage meiner det er synd om kommunen vedtek å leggje ned barnehagen. Konsekvens om Valestrand vert lagt ned: - Om politkarane vedtek nedlegging av Valestrand, vil Reppen gå i dialog for å sikre barn og foreldre barnehageplass i nærmiljøet. - Reppen har ei godkjenning på 80 barn, har i dag 65 barn og kan ta inn 15 barn (uavhengig om barna er under eller over 3 år). - Reppen barnehage har svært store areal for barna. Ved å montere fleire toalett for barna (lovkrav) er det mogeleg å ha fleire enn 80 barn. Konsekvens av ny barnehage på Rundhovde:			Rådmannen vil gå i dialog med Reppen om behov for utviding av barnehageplassar dersom Valestrand barnehage vert vedteke lagt ned. Om utviding av barnehageplassar: Reppen har i dag godkjenning på 80 barn, og har 65 barn per i dag. Maksimal utnytting av areal tilsvarar inntil nye 43 små barn eller 57 store barn. Maksimal utnytting er ikkje aktuelt for Reppen, men ei auke frå 80 barn er aktuelt. Det må då monterast fleire toalett (lovkrav) og få ny godkjenning frå Miljøretta helsevern. Konsekvens av ny barnehage på Rundhovde: Rådmannen er samd med Reppen barnehage si vurdering av mogeleg konsekvens av ny barnehage på Rundhovde og det er viktig å leggje til rette

- Ved bygging av ny barnehage vert det truleg overkapasitet på barnehageplasser i Valestrandsområdet. - For Reppen som privat aktør vil dette kunne få konsekvenser i form av redusert drift, oppseiingar og i verste fall nedlegging av Reppen barnehage.			for vidare drift av eksisterande næringsverksemd. Rådmannen tilrår ikkje etablering av ny barnehage på Rundhovde. Det er ikkje i kommunen sine interesser at driftsgrunnlaget for Reppen barnehage blir redusert slik at det fører til oppseiingar og i verste fall nedlegging. Dette vil i så fall vere ei marknadsstyrt prosess og politikarane vil ikkje kunne påverke eller styre prosessane.
Nr.	Journalpost	Avsendar	Tema
6	21/16607	Samarbeidsutvalet i Mjøsdaalen barnehage	Mjøsdaalen barnehage
Innspel			Merknader frå rådmannen
Samarbeidsutvalet (SU) i Mjøsdaalen barnehage argumenterer mot nedlegging av barnehagen. Blant anna: Argumentasjon mot nedlegging: - Viktig å ha eit mangfald av barnehagar, og foreldre som ynskjer å ha barnet sitt i ein liten barnehage kan søkje her. - Det er og tett samarbeid med skulen i uteleiken og ved overgang til skulestart. - Mjøsdaalen barnehage kan nyttast som ein fleksibel barnehage, og ha ledig kapasitet for å tilby barnehageplass gjennom heile året for tilflyttarar. Økonomi: - SU saknar ei økonomisk vurdering frå mindre kommunar som vert riktigare å samanlikne seg med enn storbyar. - Det hadde og vore interessant å sjå reknestykket korleis kostnadane vart rekna ut når det gjeld Osterøy, utan lønsutgiftene som går på pedagog og bemanningsnorm. Om nedlegging vert aktuelt: - Det er grunn til å tru viss Mjøsdaalen bhg vert avvikla i 2023, vil foreldre her velje barnehagar som ligg på vegen til arbeidsplassen. Det vil sei Mjøs metall eller utover mot Lonevåg, Hauge og fastlandet. Barnetalsutvikling: - SU ber politikarane å ta nye vurderingar i framtida for barnehage behov i Hosanger området. I Mjøsdaalen kan det komma mange som buset seg i planlagt bustadfelt på Hoshovdestølen.			Rådmannen tek det til vitande. Økonomi: Rådmannen legg til grunn at tala frå store kommunar er mogelege å samanlikne med vår drift, då det er det same lovverket som ligg til grunn for drifta og det gjev eit bilete på tendensar. Visar til kostnad per storbarnsplass, s.10-11. Utanom løn er drift av bygg, såkalla FTV-kostnader som straum, forsikring, brannvern, vaktmeisterteneste og reinhald, som vert lagt til grunn for reknestykka. Vidare drift av Mjøsdaalen vil krevje investeringar i oppgradering av bygg og uteleikeplass. Barnetalsutvikling: Rådmannen legg til grunn at det ikkje vert store endringar i barnetalsutviklinga i Hosanger. Planlagt bustadfelt på Hoshovdestølen er under regional behandling. Det er difor uvisst kva år den endelege sakshandsaminga er klar og kva resultatet blir.

Nr.	Journalpost	Avsendar	Tema
7	21/16608	Christine Ludvigsen Simonsen	Valestrand barnehage
Innspel			Merknader frå rådmannen
Christine Ludvigsen Simonsen er mor i Valestrand barnehage og argumenterer for å ikkje legge ned barnehagen. Blant anna: - Det er Reppen som er alternativet for familien, og det tek frå dei valfridomen om kva barnehagetilbod dei meiner er best, også privat/kommunal og liten/stor barnehage. - Usikker på barnehage med privat drivar - Ikkje naysynt å bruke midlar til å omgjere barnehagen til omsorgsbolig og investeringskostnad ved Hauge barnehage. - Valestrand barnehage ligg sentralt, nært og optimalt plassert for mange som bur på vakre Valestrand.			Rådmannen tek det til vitande.
Nr.	Journalpost	Avsendar	Tema
8	21/16610	Utdanningsforbundet Osterøy	Pedagogisk kvalitet, leing og kompetanse
Innspel			Merknader frå rådmannen
Utdanningsforbundet Osterøy vektlegg bemanning, kompetanse og leiarressurs i merknad til planen. Blant anna: Leiarressurs: Det er tariff- og avtalefesta at 35% er veiledande leiarressurs per avdeling. Visar til KS området, SFS2201 punkt 3.1.1 Styrer/leder i barnehage. Økonomi og kvalitet: Utdanningsforbundet meiner at ein må også vurdere kva kostnadsnivå som trengs for å oppnå ynskt kvalitet. Rådmannen legg til grunn at Osterøy kommune sitt barnehagetilbod skal vera kostnadseffektivt, men det skal først og fremst vera eit godt pedagogisk og forsvarleg tilbod til borna og ein god arbeidsplass for personalet. Det betyr at ein kan ikkje berre vurdere dei økonomiske sidene ved drifta. Utdanningsforbundet visar til forskninga. Korleis barnehagane er bemanna og kva utdanning dei har er viktig for korleis ein kan nå målsetnaden om høg pedagogisk kvalitet. Osterøy kommune har to hovudmålsettingar: - Foreldre får barnehageplass til rett tid i Osterøy kommune			Leiarressurs: Rådmannen legg inn endring i teksten i barnehageplanen og presiserer at 35% er heimla i avtaleverket. Økonomi og kvalitet: Mandatet frå politikarane 9-des.-2020 var å greie ut framtidig kapasitetsbehov for barnehageplassar i Osterøy kommune, slik at Heradsstyret ut frå det skal avgjere korleis investeringsmidlane som er lagt inn i budsjetta skal brukast. Planen har ikkje teke mål av seg å gjere ei vurdering av kvaliteten i drifta opp mot pedagogikk og kompetanse i barnehagane, men legg til grunn at Osterøy kommune fyller krava om pedagognorm og bemanningsnorm. «Barnehager mot 2030»: Rådmannen er samd med Utdanningsforbundet Osterøy med at regjeringa si barnehagestrategi for perioden 2021-2030 må vere ein del av grunnlaget for Barnehagebruksplanen. Rådmannen legg inn «Barnehager mot 2030» som punkt under «Nasjonale føringar for barnehagetilbodet». Strategien vart lansert 24.juni 2021, som var nokre

- Osterøy kommune har ein berekraftig barnehagestruktur. Utdanningsforbundet Osterøy meiner at det er uheldig at måla berre er av praktisk art. Osterøy kommune burde hatt faglege og pedagogiske ambisjonar for barnehagane i barnehagebruksplanen. «Barnehager mot 2030»: Regjeringa si barnehagestrategi gjeld same periode som Osterøy kommune sin barnehagebruksplan og ein må difor sjå til denne når ein skal vedta barnehagebruksplanen Utdanningsforbundet Osterøy foreslår at det vert laga ein plan for korleis ein skal arbeida systematisk med å heva kompetanse i barnehagane i perioden fram mot 2030, særleg med tanke på masterkompetanse.			veker etter Barnehagebruksplanen var lagt ut på høyring og var difor ikkje teke med i høyringsdokumentet. Rådmannen tek innspelet om plan for å heve kompetansen til dei tilsette i barnehagen til vitande.
Nr.	Journalpost	Avsendar	Tema
9	21/166611	Valestrand Helselag	Valestrand barnehage
Innspel			Merknader frå rådmannen
Valestrand helselag er imot å svekka bygda ved nedlegging av Valestrand barnehage og dei trekk fram følgande: - Nedgang i fødselstala vil gå ned dei neste 20 åra. Men Valestrand er den største bygda i kommunen og barnetalet her ligg ikkje an til å gå ned i same perioden, nedgangen kjem i resten av kommunen - Det er positivt at det både er ein kommunal og ein privat barnehage sentralt plassert på Valestrand. Dette er med på å gjera det attraktivt å busetja seg her for unge familiar. Signalet om å leggja ned Valestrand Barnehage er uheldig med tanke på å få fleire til å etablera seg på Valestrand. - Mange av bebuarane deira set elles pris på livet i nabolaget som ungane gjev. Det er såleis eit kjekt naboskap som vil verte sakna om det forsvinn.			Rådmannen tek det til vitande.
Nr.	Journalpost	Avsendar	Tema
10	21/166612	Osterøy Arbeidarparti	Barnehagebruksplanen
Innspel			Merknader frå rådmannen
Osterøy arbeidarparti argumenterar blant anna for at kommunen ikkje bør nytte 13 millionar til nybygg på Hauge og ber og om ein del presiseringar. Viser og til Høyringssvaret, som er vedlagt. Økonomi: - Deler av summen kan gjerast tilgjengeleg for oppgradering av eksisterande barnehagar eller			Rådmannen har lagt opp til ein barnehagestruktur som er fleksibel og økonomisk berekraftig over tid. Utbygging på Hauge vil gjere at innbyggjarar som reiser forbi Hauge på veg til og frå jobb har tilgjengelege

andre tiltak for å gjere øya meir attraktiv for barnefamiljar.

- Det kjem ikkje fram utrekningar på kva økonomisk gevinst me kan forvente av investeringa på 13 millionar.
Har kommunen økonomisk ryggdekning til å ta på seg denne investeringa?
Når kan ein sjå for seg at rekneskapen vil gå i null, med omsyn til byggekostnader med meir?

Om valfridom privat/kommunal drift

- Osterøy AP er i mot at me skal auke graden av privat kommersiell barnehagedrift ved å leggje ned kommunalt tilbod.

Om Valestrand barnehage:

- Osterøy Arbeidarparti kjenner til at det vert hevda at barnehagen no stettar lovkrava og at kommunen kan fatte nytt vedtak utan gang og garderobe som leikeareal. Me ber om avklaring på dette. Me vil vite om det er trong for oppgraderingar av Valestrand barnehage, omfang og på kva bakgrunn.

Reduksjon i barnetal

- Kva justeringar av planar for barnehage er teke omsyn til med tanke på hundre færre førskuleborn dei neste ti år/planperioden?

Grunnlagstal for drifta av barnehagane

- Me saknar informasjon om arealtala frå godkjenningane av dei enkelte barnehagane. I tillegg til arealtal inne ønskjer me tal på utearealet og ein «seksonge» av inneareal slik at me veit kva uteareal det skal vera i utgangspunktet.
- Kor mange born er dei ulike barnehagane godkjent for og kan ta imot basert på areal for storebarnsplassar?

Styrking av kommunesenteret Valestrand

- Arbeidarpartiet meiner at Heradsstyret har eit ansvar for å følgje opp eigen politikk med å styrkje kommunesenteret Valestrand og ikkje byggje det ned.

Om Hauge barnehage

- Hauge har allereie ein flott barnehage som me kan vera stolt av. På kva grunnlag treng Hauge fleire barnehageplassar?
- I skildringa av foreslått nybygg ved Hauge barnehage, vert dette skildra som «byggjetrinn to». Tross svært lang fartstid i heradsstyret, er ikkje me kjend med to byggetrinn.
Barnehagebruksplanen bør ikkje omtala foreslått nybygg på Hauge som eit planlagt trinn to, då dette ikkje er tilfelle.

barnehageplassar og vil såleis avlaste nærmiljøbarnehagar. Såleis stettar rådmannen ønskje om at Osterøy er meir attraktivt for barnefamiljar.

Økonomi

Rådmannen tek etterspurnaden om utrekningar til følgje og legg dette inn i planen. Ei investering på 13 millionar vil føre til ei kostnad per år som er mindre enn innsparingane kommunen gjer ved å leggje ned dei to minste barnehagane. Visar til ny tabell som er satt inn, s.25-26.

Om valfridom privat/kommunal drift

Om Heradsstyret vedtek å ikkje godkjenne nyetablering av barnehage på Rundhovde vil balansen mellom privat og kommunal barnehagedrift i Osterøy kommune verte vidareført om lag på same nivå som i dag.

Om Valestrand barnehage

Per i dag oppfyller barnehagen lovkrava, men har ei midlertidig godkjenning frå Miljøretta helsevern for drift fram til august 2023. For å drive barnehage er det to godkjenningar barnehagen må ha:

- Godkjenning frå Miljøretta helsevern, heimla i «Forskrift om miljørettet helsevern i barnehage og skule».
Valestrand barnehage må søke om ny godkjenning frå august 2023.
- Godkjenning frå den lokale barnehagemynda i kommunen, heimla i barnehagelova. Denne godkjenninga er i orden.

I tillegg til godkjenningane kjem eigar si vurdering om kva som er økonomisk og pedagogisk forsvarleg drift. Visar til høyringssvar nr.13 frå Valestrand Samarbeidsutval om å redusere talet på barn, slik at det ikkje er behov for dei areala som Miljøretta Helsevern påpeikar. Kommunen som eigar kan redusere talet på barnehageplassar i barnehagen. Konsekvensen er at det vert færre barnehageplassar i Valestrand barnehage og høgare kostnad per barnehageplass. Rådmannen vurderer det som lite berekraftig og tilrår ikkje ei slik løysing.

Naudsynte oppgraderingar av bygget:

- Hauge var meint å vera eit ekstra tilbod som gav fleksibilitet dersom manglande kapasitet i kommunen elles. Den var ikkje tenkt som einaste kommunale barnehage i området Valestrand.
- Det har vore kostnader knytt til erverv av eigedom, planering og planlegging. I det heile ein lang prosess. Dersom ikkje utbygginga hadde vorte stoppa før jul, hadde meir eller mindre barnehagen på Hauge stått klar no. Dette ville ført til stor overkapasitet på barnehageplassar både no og dei neste 20 år.
- OAP er kritisk til at dette gjekk føre under radaren og ikkje vart lagt fram til politisk handsaming. Vidare vil me tru at tomte let seg nytta til andre formål når det er trong for det.
- Me kjem med forslag om å endre namn på planen til plan for barnehagar (barnehageplanen).

- visar til tiltak i planen, «Driftsavdelinga si vurdering av den kommunale bygningsmasse».

Reduksjon i barnetal

Arbeidarpartiet etterspør korleis ei slik reduksjon i barnetal er lagt inn i planen. Barnehagar med ledig kapasitet skal justere bemanninga etter kva barnetal dei til ei kvar tid har og i samsvar med lovkrava. Barnehagane kan justere opp når det kjem nye søkarar og justere ned når det er mindre barnegrupper, og slik ha ei aktiv og økonomisk berekraftig tilnærming.

Grunnlagstal for drifta av barnehagane

Visar til at godkjente opphalds- og leikeareal ligg til grunn for utrekningane av barnehagane si kapasitet.

Dei lokale sentra

Arbeidarpartiet gjev uttrykk for at planen er ei svekking av attraktiviteten for dei som vil busetje seg i kommunen. Rådmannen tek det til vitande.

Om Hauge barnehage og målsetting

Rådmannen tek nemninga «Byggetrinn 2» til følgje og vil endre det i planen. Hauge var meint å vera eit ekstra tilbod som gav fleksibilitet dersom det var manglande kapasitet i kommunen, og i åra 2012 til i dag har det vore stort behov og Hauge har vore fullt utnytta.

Rådmannen meiner at det er ikkje grunn til å tru at det vert stor overkapasitet ved Hauge barnehage, då barnehagen ligg ved vegen der mange køyrer til og frå jobb. Som Kommuneplanen sin samfunnsdel (2021-2040) påpeikar er det vanskeleg å forutsjå folketalsutviklinga. Dersom

Heradsstyret ønskjer at Osterøy kommune skal ha ei målsetting om at foreldre skal få barnehageplass når dei har behov, og ikkje vente til dei har lovleg krav på barnehageplass, er det heilt sentralt at det er tilgjengelege barnehageplassar langs den aksen dei køyrer til jobb/skule.

Barnehagar som i større grad ligg utanfor denne aksen har i dag ledig kapasitet på barnehageplassar. Dette er i dag Haus, Reppen og Mjøsdaalen barnehage.

Rådmannen tilrår difor nye barnehageplassar på Hauge.

			Rådmannen tek forslaget om namneendring til vitande.
Nr.	Journalpost	Avsendar	Tema
11	21/16613	Håkon Trovåg Hevrøy	Presiseringar til planen
Innspel			Merknader frå rådmannen
Håkon Trovåg Hevrøy kjem med innspel til barnehagebruksplanen. Blant anna: - Hevrøy meiner at samlokalisering med skulen bør vurderast i samanheng med planlagt utbygging av skulen på Valestrand. - «Barnehagebygg i framtida i Osterøy kommune» s.7, etterlyser han kva som skapar gode uteområder for barn. - Visar til s.14, under Lonevåg står det at Hauge barnehage kan utvidast med 40 plassar og at det er kostnadsberekna til 3,5mill. - Hauge er nemnd som «under Lonevåg» og dette kjem fram fleire gonger i dokumentet(s.14, s.18, s.23). Hauge tilhøyrrer kommunesenteret Valestrand. Ber om at ein rettar dette. - Kommentar om arelnorm: Ber om retting slik at det samsvarar med opplysningar frå s.14 i «veileder Godkjenning av barnehager» frå KD. - Kva er rett leiarressurs i Lonevåg barnehage i dag, ber om at dette vert retta. - Kva kapasitet Reppen har tilgjengeleg, ber om å tydeleggjere dette.			Rådmannen tek det til vitande. - Utbygging av Valestrand skule og samlokalisering: for tida er Valestrand ikkje prioritert i investeringsbudsjettet og samlokalisering er difor ikkje vurdert som reelt alternativ i barnehagebruksplanen. - Rådmannen tek innspelet om uteområder til følgje og tek dette inn i planen. - Kostnadsberekning: feilen vert retta i planen, kostnaden er 13 mill. - Hauge tilhøyrrer kommunesenteret Valestrand, dette endrast i teksten. - Arealnorm: Innspelet blir teke til følgje. Heradsttyret har fastsett arealnorm for kommunale barnehagar i Osterøy kommune, visar til vedtektene. - Leiarressurs i Lonevåg: innspelet blir teke til følgje. Kapasitet i Reppen: innspelet blir teke til følgje.
Nr.	Journalpost	Avsendar	Tema
12	21/12121	Eldrerådet og Råd for menneske med funksjonsnedsetting	Universell utforming av bygg
Innspel			Merknader frå rådmannen
Ber om at alle barnehagane i kommunen vert utforma med ein universell utforming og med byggteknisk kvalitet, til dømes når det gjeldt akustikk, lyddemping og tilkomst.			Rådmannen tek det følge og det vert presisert i barnehageplanen både når det gjeld oppgradering /vedlikehald og nybygg. Det er krav om universell utforming i alle offentlege bygg frå 2025.
Nr.	Journalpost	Avsendar	Tema
13	21/11858	Samarbeidsutvalet i Valestrand barnehage	Valestrand barnehage
Innspel			Merknader frå rådmannen
Samarbeidsutvalet (SU) hadde møte 17.06.21 og sendte mail til folkevalgte, med kopi til Osterøy kommune. Fleire merknader viser til dette, difor vert den handsama som merknad til planen. - Barnehagen treng ikkje leggst ned eller byggast om grunna feil eller manglar. Barnehagen har			Om Valestrand barnehage Per i dag oppfyller barnehagen lovkrava, men har ei midlertidig godkjenning frå Miljøretta helsevern for drift fram til august 2023. For å drive barnehage er det to godkjenningar barnehagen må ha:

vore pressa på areal og tatt inn fleire enn den har vore bygd for. Frå hausten av er ikkje det lenger tilfelle. Drifta er då innanfor krava/«godkjend» i samsvar med krav frå miljøretta helsevern. - Antall born sett opp mot vaksne er optimalisert med tanke på bemanningsnorm/økonomi. - Born dei neste 20 år gjer at kommunen har behov for færre plassar. Dagens kapasitet vil då vera tilstrekkeleg. - Spesielt gjeld nedgongen Lonevågsområdet som jf høyring skulebruksplan hausten 2020 vil ha ein nedgong på 20% i elevtal neste 5 år(215 til 173)(s. 2 høyring skule). Me antar det er dei same elevane som er barnehageborn og at tala då let seg overføre. - Elevtal på Valestrand skule er 204 frå hausten av, fleire enn nokon gong. Det er ikkje spådd nedgong på Valestrand. - På s.13 i barnehagebruksplanen kan ein lese at 287 førskuleborn bur knytt til kommunesenteret Valestrand. 314 til saman i dei andre tre sentra. På SSB.no kan ein lese at 150 av desse førskuleborna bur på tradisjonelle Valestrand. Dei andre bur på Hjellvik, Loftås, Raknes, Hauge, Vevle og Revheim med meir.	- Godkjenning frå Miljøretta helsevern, heimla i «Forskrift om miljørettet helsevern i barnehage og skule». Valestrand barnehage må søke om ny godkjenning frå august 2023 uavhengig av kor mange barn som går i barnehagen. - Godkjenning frå den lokale barnehagemynda i kommunen, heimla i barnehagelova. Denne godkjenninga er i orden. I tillegg til godkjenningane kjem eigar si vurdering om kva som er økonomisk og pedagogisk forsvarleg drift. Visar til høyringssvar nr.13 frå Valestrand Samarbeidsutval om å redusere talet på barn, slik at det ikkje er behov for dei areala som Miljøretta Helsevern påpeikar. Rådmannen bekreftar at det er mogeleg løysing og at det er eit kostnadsspørsmål. Konsekvensen er at det vert færre barnehageplassar i Valestrand barnehage og høgare kostnad per barnehageplass. Rådmannen vurderer det som lite berekraftig å redusere talet på barn permanent og tilrår ikkje ei slik løysing. Då forsvinn samstundes deler av den fleksibiliteten kommunen treng for å innfri lovkrava om plikt til å tilby barnehageplassar.
--	--